



РУҲЛАРИ ШОД БЎЛСИН

Кўнгли яримтадан ҳол сўраш, унга ҳамдарду вақти келганда тиргак бўлиш савобига нима етсин! Утган шамба кунин Андижон вилоятидаги Хонтоғ бағрига жойлашган хушманзара оромгоҳда йиғилганларнинг дилида ана шундай эзгу истак тугён урди.

Йиғин давомида жиноятчилар билан олишувда, хизмат бурчини ўташда ва одамларни ён-ғиндан қўтқаришда ҳалок бўлганларнинг табарруқ номлари илиқ сўзлар билан тилга олинди, уларнинг руҳлари шод айланди.

Мана марҳумларнинг номлари. Поп тумани ИИБ участка вакили милиция катта лейтенанти Содиқжон Қўтанов, Наманган шаҳар ИИБ терговчиси милиция майори Умарали Мажидов, Андижон вилояти ИИБ ДАНБ ходимлари милиция катта лейтенанти Иззатилло Мадаминов, милиция сержанти Аҳмаджон Хўжамов, Андижон шаҳридаги 1-мустиқил ҳарбийлашган ўт ўчириш қисми ходими Шокиржон Қодиров, Қўқон шаҳар ИИБ БХСС ходими милиция катта лейтенанти Мурод Каримов.

Жасорати ва хотираси қалбларда мангу қоладиган ҳамкасбларимизнинг онла аъзоларига ССЖИ, УзССЖ ИИБлари, Андижон вилояти ИИБнинг ёрдам пуллари ва эсдалик совгалари топширилди.

Ғ. ТЕМИРОВ.



— Ҳайдовчига далда бериш, унинг ўзига кўринмаган хатоларини муомала билан тушунтириш керак. Шундагина у ДАН ходими қиёфасида жазоловчинини эмас, осойишталик истаган кишини кўради.— дейди биз билан суҳбатда Урта Чирчиқ тумани ички ишлар бўлими ДАНБ ходими милиция сержанти Маъмуржон Аҳмаджонов.

Касбига меҳр кўйган, хизмат бурчини сидқидилдан ўтаётган бу йиғитни кўпчилик танийди, билади.

СУРАТДА: М. Аҳмаджонов ҳайдовчининг ҳужжатларига кўз югуртирмоқда.

Ҳабибулла ШОДИЕВ олган сурат.

ЖИНОЯТ ОЧИЛДИ

«Правда» колхозининг Киров кўчасида кеч соат 21.30 да топилган мурда Коммунистик тумани ИИБ ходимларини оёққа тургазди. Уликнинг шахси аниқланди. У 1953 йилда туғилган, Тошкент шаҳар Акмал Икромов туманида яшовчи Расим Аҳмаджонов бўлиб чиқди. Мурдага етказилган тан жароҳатлари уни қасддан ўлдирилганидан далолат беради.

Оператив-тергов гуруҳи суриштирув ишлари олиб бориб, жиноятчиларни аниқлашга муваффақ бўлди.

Владимир Ли 1970 йилда туғилган, Олег Лигаи 1973 йилда, Наталья Шин 1973 йилда, Александр Когай 1971 йилда туғилган, ҳарбий хизматчи. Улар қилмишларига тўла иқдор бўлдилар.

Қотилликни тез фурсатда очиб, жиноятчиларни ушлаган ходимлардан вилоят ИИБ ЖҚБ катта вакили милиция подполковниги В. Иванов, Коммунистик тумани ИИБ бошлиғи ўринбосари милиция подполковниги Ф. Раҳимов, ИИБ ЖҚБ бошлиғи милиция майори И. Икромов, ДАНБ бошлиғи милиция майори У. Усмонов, ЖҚБ катта вакили милиция капитани Р. Шерматов, милиция капитани С. Мамутов, участка вакили милиция лейтенанти Х. Миртолиповлар номи рағбатлантириш учун вилоят ИИБга тақдим қилинди.

Б. ХОЛМИРЗАЕВ.

Кечиккан кўз ёшлари

Кейинги пайтда балоғат ёшига етмаганлар ўртасида жиноятчилик кўпайиб бормоқда. Нима учун? Бунга шундай деб жавоб бериш мумкин. Баъзи бир ота-оналар фарзандлари тарбияси билан мутлақо қизиқмай қўйганлар. Ачинарлиси шуки, уларнинг ўзи тарбияга муҳтож, Ичкилик, ғиёҳвандлик бундай кимсаларни одамийлик чегарасидан итқитиб ташлаган. Ўзини билмайдиган, бугунини аранг ўтказадиганларнинг зурриёди қандай қилиб инсоний бурчларни ўргана олсин. Бундан ташқари, ана шундай «қаровсиз», «этябордан четда қолган» ўсмирлар ўқитувчилар

назаридан ҳам тушган. Мактаб ва билим юртлари раҳбарлари «тарбияси оғир»ларга насиҳат бериш, тўғри йўлни кўрсатиш ўрнига улардан қандай қилиб бўлсада, қутулиш йўлларини ўйлайдилар. Натижада батамом «ортиқча» бўлиб қолган ёшлар кўнглига келган ноҳўя ҳаракатни қилади, маишат учун текин даромад топиш йўлига ўтиб олади.

Валерий ва Асан ҳам ана шундай «ортиқча»лардан. Бир кунин улар қўшнилари Николай амаки уйни ёпмасдан ҳовлига тушганидан фойдаланиб қолмоқчи бўлдилар. Дарров хона-

донга кириб, у ердан 400 сўм пул, суратга олувчи аппарат ҳамда жажожи калькуляторни ўғирлаб олиб чиқишди. Сўнг эҳтиёткорлик билан уйнинг ертўласига тушишди. У ерда «ўлжа»ни ўзаро бўлишиб, ишончли ерга яшириб қўйишди. Мақсадлари кечкурун пинҳона маншат қилиш эди. Аммо...

Жиззах шаҳар ИИБга келтирилган Валерий ва Асаннинг хаёлидан базми жамшид дарров учиб кетди. Иккаласи ҳам кўз ёши тўкиб, кечиришларини ўтиниб сўрашарди.


А. МҶМИНОВ.

ЎЗИМИЗ ҚИЛМАГАН ИШЛАР

Жиноятчилик. Бунинг илдизи қаерда? У нимадан пайдо бўлди-ю, уни қандай қилиб йўқотиш мумкин? Ахир, бу умумий тушунча остида минг-минглаб умри хазонлар ётибди ва яна қанча умрлар хазон бўлади? Бу саволларга, афсуски, бугунгача жўяли жавоб айтилгани йўқ. Шундай

бўлсада, ушбу мавзудаги яна бир суҳбатни чоп этаймиз. Унда шу пайтгача бир-бирига ишончсизлик, қадрсизлик билан муносабатда бўлиб келган икки мафкура вакиллари иштирок этади.

Суҳбатдошлар билан танишинг:



САЛОҲИДДИН ШАРИФ, Урта Осиё ва Қозоғистон мусулмонлари диний бошқармаси ихтиёридаги «Мир-Араб» мадрасасининг мудирини.


— Ҳурматли Салоҳиддин домла, ўзингизга маълум «Аввал иқтисод, кейин сие-сат» дейишади. Шу боис суҳбатимиз ибтидоида Сизни ва Сиз орқали Бухорон шарифдаги барча эътиқодли қавмларингизни мусулмон аҳлининг иккинчи бир улуг айёми — яқинлашиб келаётган ийд-Қурбон ҳайити билан муборакбод этишга ижозат бергайсиз.

— Бисмиллоҳир Раҳмонир Роҳим. Алҳамдулилло Вассалоту Вассалому аъло Расуллулоҳ, Самимий табрик учун ташаккур. Нафақат Бухори шарифдаги, балки жумҳуриятимизнинг рўномаларингиз етиб борадиган барча вилоятларидаги мўмин мусулмонларни бу айём билан чин дилдан қўтлаймиз. Аллоҳ барчамизни шу муборак айём жиҳатидан гуноҳларимизни махфират қилиб, жамиятимизнинг руҳий покланиши йўлидаги олиб бораётган ишларимизни муборак қилган бўлсин!

ЖУРНАЛИСТ ҚАЙДЛАРИ

Жамиятнинг руҳий покланиши... Наҳотки, кечагина биз осмонларга кўтариб мақтаб юрган тузумимиз шу даражада руҳий тарбияга муҳтож бў-

(Давоми 2-бетда).



ШОДИЕР МУТАХХАРХОН ўғли, КПСС МҚ қошидаги Ленинград сие-сатшунослик институтининг толиби, журналист.

